



საქართველო
აჭარის ავტონომიური რესპუბლიკის უმაღლესი საბჭოს
საფინანსო-საბიუჯეტო და ეკონომიკურ
საკითხთა კომიტეტი

აჭარის ავტონომიური რესპუბლიკის
უმაღლესი საბჭოს ბიუროს

აჭარის ავტონომიური რესპუბლიკის უმაღლესი საბჭოს რეგლამენტის 138-ე მუხლის მე-4 პუნქტის შესაბამისად, წარმოგიდგენთ საფინანსო-საბიუჯეტო და ეკონომიკურ საკითხთა კომიტეტის მიერ საკანონმდებლო ინიციატივის წესით მომზადებულ “აჭარის ავტონომიური რესპუბლიკის უმაღლესი საბჭოს 2027 წლის ბიუჯეტის პროექტის დამტკიცების შესახებ” აჭარის ავტონომიური რესპუბლიკის უმაღლესი საბჭოს დადგენილების პროექტს.

გთხოვთ, უზრუნველყოთ დადგენილების პროექტის განხილვის პროცედურის დაწყება (გამარტივებული წესით).

დანართი 5 ფურცელი.

პატივისცემით,
კომიტეტის თავმჯდომარე

მარინე გვინაიძე



**აჭარის ავტონომიური რესპუბლიკის
უმაღლესი საბჭოს
დადგენილება**

**აჭარის ავტონომიური რესპუბლიკის უმაღლესი საბჭოს
2027 წლის ბიუჯეტის პროექტის დამტკიცების შესახებ**

აჭარის ავტონომიური რესპუბლიკის უმაღლესი საბჭო ადგენს:

1. „აჭარის ავტონომიური რესპუბლიკის საბიუჯეტო პროცესისა და უფლებამოსილებათა შესახებ“ აჭარის ავტონომიური რესპუბლიკის კანონის 27-ე მუხლის პირველი პუნქტისა და აჭარის ავტონომიური რესპუბლიკის უმაღლესი საბჭოს რეგლამენტის 138-ე მუხლის პირველი პუნქტის შესაბამისად, დამტკიცდეს აჭარის ავტონომიური რესპუბლიკის უმაღლესი საბჭოს 2027 წლის ბიუჯეტის პროექტი.

2. უმაღლესი საბჭოს 2027 წლის ბიუჯეტის პროექტი განისაზღვროს 9 800 000 ლარის ოდენობით, მათ შორის:

ა) ხარჯები 9 528 000 ლარი:

ა.ა) შრომის ანაზღაურება 6 449 520 ლარი;

ბ) არაფინანსური აქტივების ზრდა 272 000 ლარი.

3. უმაღლესი საბჭოს მომუშავეთა რიცხოვნება განისაზღვროს 117 სამტატო ერთეულით.

4. აღნიშნული დადგენილებით განსაზღვრული თანხები გათვალისწინებული იქნეს „აჭარის ავტონომიური რესპუბლიკის 2027 წლის რესპუბლიკური ბიუჯეტის შესახებ“ აჭარის ავტონომიური რესპუბლიკის კანონის პროექტში.

5. დადგენილება ამოქმედდეს მიღებისთანავე.

**აჭარის ავტონომიური რესპუბლიკის
უმაღლესი საბჭოს თავმჯდომარე**

ცოტნე ანანიძე

ბათუმი

---- ივნისი 2026 წ

Handwritten signature

გ ა ნ მ ა რ ტ ე ბ ი თ ი ბ ა რ ა თ ი

„აჭარის ავტონომიური რესპუბლიკის უმაღლესი საბჭოს დადგენილების პროექტზე „აჭარის ავტონომიური რესპუბლიკის უმაღლესი საბჭოს 2027 წლის ბიუჯეტის პროექტის დამტკიცების შესახებ“

ა) დადგენილების პროექტის მიღების მიზეზი:

დადგენილების მიღება განპირობებულია „აჭარის ავტონომიური რესპუბლიკის საბიუჯეტო პროცესისა და უფლებამოსილებათა შესახებ“ აჭარის ავტონომიური რესპუბლიკის კანონის 27-ე მუხლის შესაბამისად, რომლის თანახმადაც უმაღლესი საბჭოს ბიუჯეტის პროექტის ფორმირებას და მთავრობისათვის წარდგენას, უმაღლესი საბჭოს რეგლამენტით დადგენილი წესით, უმაღლესი საბჭო უზრუნველყოფს, არაუგვიანეს საგაზაფხულო სესიის დასრულებამდე. უმაღლესი საბჭოს ბიუჯეტი მტკიცდება უმაღლესი საბჭოს სხდომაზე, დადგენილებით.

აჭარის ავტონომიური რესპუბლიკის უმაღლესი საბჭოს კომიტეტების, ფრაქციების, ხაზინადართა საბჭოსა და უმაღლესი საბჭოს აპარატის წინადადებების საფუძველზე შემუშავებულ იქნა 2027 წლის ბიუჯეტის პარამეტრები. რის საფუძველზეც მომზადდა შესაბამისი დადგენილების პროექტი.

ბ) დადგენილების პროექტის ძირითადი არსი:

პროექტის მიზანია 2027 წლისათვის აჭარის ავტონომიური რესპუბლიკის უმაღლესი საბჭოსთვის ბიუჯეტის განსაზღვრა, რაც უზრუნველყოფს უმაღლესი საბჭოს საქმიანობის გამართულ და ეფექტურ მუშაობას.

დადგენილებით, უმაღლესი საბჭოს 2027 წლის ბიუჯეტის პროექტი განისაზღვრა **9 800 000** ლარის ოდენობით. უმაღლესი საბჭოს 2027 წლის გადასახდელების დაფინანსების მოცულობის განსაზღვრა ცალკეული მუხლების მიხედვით შემდეგნაირად გადანაწილდა:

საბიუჯეტო კლასიფიკაციის მუხლები:	2026 წლის დამტკიცებული ბიუჯეტი	2027 წლის ბიუჯეტის პროექტი
1	2	3
მომუშავეთა რიცხოვნება:	117	117
სულ გადასახდელები	10 113 570	9 800 000
ხარჯები	9 007 420	9 528 000
შრომის ანაზღაურება	6 296 580	6 449 520
საქონელი და მომსახურება	2 578 840	2 938 480
სოციალური უზრუნველყოფა	100 000	100 000
სხვა ხარჯები	32 000	40 000
არაფინანსური აქტივები	1 106 150	272 000

გ) იმ შედეგების საფინანსო-ეკონომიკური გაანგარიშება, რომლებსაც გამოიწვევს წარდგენილი დადგენილების პროექტის მიღება:


მიმდინარე წელთან შედარებით მცირდება მომავალი წლის ბიუჯეტი.

დ) დადგენილების პროექტის ავტორი:

აჭარის ავტონომიური რესპუბლიკის უმაღლესი საბჭოს საფინანსო-საბიუჯეტო და ეკონომიკურ საკითხთა კომიტეტი.

ე) დადგენილების პროექტის ინიციატორი:

აჭარის ავტონომიური რესპუბლიკის უმაღლესი საბჭოს საფინანსო-საბიუჯეტო და ეკონომიკურ საკითხთა კომიტეტი.



აჭარის ავტონომიური რესპუბლიკის უმაღლესი საბჭო

საქართველო

აჭარის ავტონომიური რესპუბლიკის უმაღლესი საბჭოს
საფინანსო-საბიუჯეტო და ეკონომიკურ
საკითხთა კომიტეტი

29.05.2026

N 1030

1030-09-02-11-3-

202605291135



აჭარის ავტონომიური რესპუბლიკის
უმაღლესი საბჭოს ბიუროს

დასკვნა

„აჭარის ავტონომიური რესპუბლიკის უმაღლესი საბჭოს 2027 წლის ბიუჯეტის პროექტის დამტკიცების შესახებ“- აჭარის ავტონომიური რესპუბლიკის უმაღლესი საბჭოს დადგენილების პროექტზე

აჭარის ავტონომიური რესპუბლიკის უმაღლესი საბჭოს საფინანსო-საბიუჯეტო და ეკონომიკურ საკითხთა კომიტეტმა 2026 წლის 29 მაისის სხდომაზე, აჭარის ავტონომიური რესპუბლიკის უმაღლესი საბჭოს რეგლამენტის 138-ე მუხლის მე-4 პუნქტის შესაბამისად, განიხილა აჭარის ავტონომიური რესპუბლიკის უმაღლესი საბჭოს კომიტეტების, ფრაქციების, ხაზინადართა საბჭოს და უმაღლესი საბჭოს აპარატის წინადადებების საფუძველზე ფორმირებული 2027 წლის ბიუჯეტის პარამეტრები.


საფინანსო-საბიუჯეტო და ეკონომიკურ საკითხთა კომიტეტმა მხარი დაუჭირა წარმოდგენილ პარამეტრებს და მოამზადა შესაბამისი დადგენილების პროექტი. კომიტეტს მიზანშეწონილად მიაჩნია „აჭარის ავტონომიური რესპუბლიკის უმაღლესი საბჭოს 2027 წლის ბიუჯეტის პროექტის დამტკიცების შესახებ“- აჭარის ავტონომიური რესპუბლიკის უმაღლესი საბჭოს დადგენილების პროექტი განსახილველად გადაეცეს უმაღლესი საბჭოს ბიუროს შემდგომი პროცედურებისათვის.

პატივისცემით,

მარინე გვიანიძე

კომიტეტის თავმჯდომარე

აჭარის ავტონომიური რესპუბლიკის უმაღლესი საბჭო



ამონაწერი

**აჭარის ავტონომიური რესპუბლიკის უმაღლესი საბჭოს
საფინანსო-საბიუჯეტო და ეკონომიკურ საკითხთა კომიტეტის
სხდომის №6 ოქმიდან**

ბათუმი

29 მაისი 2026 წ

მოისმინეს:

მარინე გვიანიძის მოხსენება აჭარის ავტონომიური რესპუბლიკის უმაღლესი საბჭოს დადგენილების პროექტზე - „აჭარის ავტონომიური რესპუბლიკის უმაღლესი საბჭოს 2027 წლის ბიუჯეტის პროექტის დამტკიცების შესახებ“.

მომხსენებელმა აღნიშნა, „აჭარის ავტონომიური რესპუბლიკის საბიუჯეტო პროცესისა და უფლებამოსილებათა შესახებ“ აჭარის ავტონომიური რესპუბლიკის კანონის 27-ე მუხლისა და რეგლამენტის 138-ე მუხლის შესაბამისად, არაუგვიანეს საგაზაფხულო სესიის დასრულებამდე უმაღლესი საბჭო უზრუნველყოფს უმაღლესი საბჭოს ბიუჯეტის პროექტის ფორმირებას და მთავრობისათვის წარდგენას, რომელიც მტკიცდება უმაღლესი საბჭოს სხდომაზე, დადგენილებით.

აჭარის ავტონომიური რესპუბლიკის უმაღლესი საბჭოს რეგლამენტის 138-ე მუხლის მე-4 პუნქტის შესაბამისად, საფინანსო-საბიუჯეტო და ეკონომიკურ საკითხთა კომიტეტი არაუგვიანეს 1 ივნისისა, უმაღლესი საბჭოს ბიუროს განსახილველად გადასცემს უმაღლესი საბჭოს ბიუჯეტის პროექტს, უმაღლესი საბჭოს დადგენილების პროექტის სახით, თავის დასკვნასთან ერთად.

კომიტეტში წარმოდგენილ იქნა უმაღლესი საბჭოს კომიტეტების, ფრაქციების, ხაზინადართა საბჭოსა და უმაღლესი საბჭოს აპარატის წინადადებების საფუძველზე ფორმირებული 2027 წლის ბიუჯეტის პარამეტრები (წერილი N918 19/05/2026წ). რომლის საფუძველზეც შემუშავდა დადგენილების პროექტი და მომზადდა შესაბამისი დასკვნა.

გადაწყვიტეს:

კომიტეტმა მხარი დაუჭირა წარმოდგენილი პარამეტრების საფუძველზე მომზადებულ აჭარის ავტონომიური რესპუბლიკის უმაღლესი საბჭოს დადგენილების პროექტს „აჭარის ავტონომიური რესპუბლიკის უმაღლესი საბჭოს 2027 წლის ბიუჯეტის პროექტის დამტკიცების შესახებ“ და მიზანშეწონილად მიიჩნია დადგენილების პროექტი განსახილველად გადაეცეს უმაღლეს საბჭოს ბიუროს შემდგომი პროცედურებისათვის.

**ამონაწერი სწორია:
კომიტეტის აპარატის უფროსი**

Handwritten signature

ირაკლი ცეცხლაძე